



倚蘭臺集

三
卷

3


~ 16
3371
3



1788
5

Faint, illegible text within a light blue rectangular border, possibly bleed-through from the reverse side of the page.

門 16
號 3371
卷 3



猗蘭臺集卷之三

初稿

卷久林
州

絕句

春夜宴

滿酌留君金屈卮
花飛樓上醉堪持
只餘一夜歌中雪
相映春風落管絲

季冬徂徠至夜雪
明日有詩見寄次韻酬之

猗蘭臺集卷之三

無那扁舟興盡回管絃千古一登臺至今白雪
色猶在知是嵒湖樓上來

徂徠東壁至分韻

城西春酒百花香醉似高陽不厭狂君自相如
誇海內寧求承露漢宮傍

遊淡水老伯父琵琶湖隱居

憐君萬里洞庭秋明月絃歌此壯遊詩賦爭傳
雲夢色簾前帆影挂高樓

徂徠席上別諸子分韻聲字

憐爾高山流水聲彈成縱起別離情此情千載
堪同調敢道金樽不忍頌

春日宴牛門分韻生字

一瓢春酒望江城醉後科頭吹鳳笙因是主人
堪愛客白雲故意傍欄生

東海道中薩埵眺望

征帆萬里日邊來北望芙蓉海色開七十二峯

看欲盡長天一片白雲回

酬琴鶴見贈彩毫

芙蓉白雪日翩翩坐靜望中理五絃為贈彩毫
光在手比來不夢亦堪憐

寄僧梅門二首

紫雲峯上月輪高影落東關映雪濤君自支公
誰得似青山日日對揮毫
白雲高掛鳳凰樓南望海門帆影流忽盡乾坤

千里目不知何日到凡州

送金華山人之參州

君去佯狂誰不憐從來人耐甕頭眠却思縹緲
浮雲色更看芙蓉落日邊

夏日與澹如分韻予艸堂畫山四壁

日日牀頭卧翠微閑樽映見白雲歸山中應有
同心客誰與裁成隱士衣

春日諸子集得花字二首

卧游日靜對庭花不用接羅馬上斜纔說酒徒
誰得似高陽醉態是吾家

狂態偏憐園裏花不堪花發抱琵琶曲成只道
無同調五子風流豈謂誇

青樓曲

東桃西李擁高樓歌舞青氈秉燭遊莫道新豐
春酒薄醉來拋下錦纏頭

酬人贈花箋

美人爲贈浣花箋吮筆離情嘆各天更是開緘
雙鯉色腹中錦字自翩翩

徂徠東壁子遷德夫漸陸蔚宗過飲
綠樹鬱葱秋色懸開尊將賦快哉篇清風濁酒
依然在併供蘭臺一坐賢

夏集

都下清風自上林捲簾夏簟入鳴琴誰知春酒
荼靡色避暑城西五柳陰

春正月 賜宴雁署沐 恩皆醉 朝罷
醉氣愈甚賦此簡同署諸公
浮浮春雪擁金城 內宴承 恩酒氣生借問
青雲鷓鷯士栢梁詩賦有誰爭

送故人歸河南

起駐驂驢酒一杯桂尊送別百花開看君銀漢
棹春水采得支機何日回

送故人之賀州

君去丹楓映翠巒秋風五馬玉珂寒但教日弄
白山色莫道不堪客中看

酬人贈柿子

光映冰盤柿子黃摘來秋色冷如霜故人消渴
方堪食何用金莖露一嘗

九月既望飲青蘿館

九月九日黃花杯同鄉同心此地來醉中再有
龍山會重更何人落帽回

遊藥樹山分韻

山高蕭寺斷猿鳴
下榻簾前雲物生
一點更無塵事起
飛泉千丈拂窓清

嘯月亭燕集

春色引來蘿薜衣
楊花撲酒落瑤徽
清狂莫笑高陽侶
沈醉人堪共詠歸

胡飲酒

轅門酪酒粲如流
落日飛觴不可留
醉舞毳毳

翻白草天山捲雪滿
梧楸

遊深川

高臺杯酒夕輝催
風色欲驕濤色開
一望江南浸萬里
摩天帆影日邊來

東塾著園燕集得名字

晉後風流酒亦清
醉操玉軫且吹笙
彈成尤愛廣陵調
不借山陽自有名

折楊柳

折柳慙慙持贈君長安此去隔層雲請看飛絮
離盃色不待春風吹欲紛

諸子集牛門同賦得關字

赤城星彩映東關詞客風流醉未還握手看君
樓上曲一時白雪出人間

琵琶湖余故園也今年之封經此地

木蘭舟裏琵琶湖秋回首波濤曉色愁別後并州
十年夢覺來又見岳陽樓

淀川舟中看月

月明秋興滿蒹葭繫艇坐來依露華更憶天河
難可至博望一去路何賒

小園種樹

招隱篇成隱市朝從來多病事逍遙小園自種
淮南桂桂樹叢叢映寂寥

春集

春風白馬繫垂楊把酒相逢錦里傍共說接羅

猗蘭臺集卷之三
堪倒着不妨客是總高陽

送滕不識之京

朝罷東方匹馬催
秋風忽見桂華開
浮雲千里中原色
欲別銷魂入酒杯

答能孝

葡萄美酒榴花杯
採筆清齋會忽開
相值科頭青眼侶
晚來一任醉中回

伊州道中與能孝貞雄飲

夏山樹樹黨青天
駐馬醉醒溪水邊
應是漸離堪擊筑
高歌未闕甕頭眠

春怨

紗窓月出月應知
夜夜分明照翠眉
誰看園中花帶雨
折殘春色可憐枝

元日退朝口號

星河曉轉武昌城
南殿春雲五色生
最是龍池龍躍後
韶光萬里更分明

雪後寄東壁

愛爾東山竹樹林
門前柳色結茅深
據梧直看天台雪
應是風流入素琴

春日謁

憲廟歸路懷往事有述四首

寂寞春回金粟堆
白雲黃鳥轉悲哉
空看欄外梧桐樹
底事鳳凰飛不來
忠統獻梧桐一株令種在寢園
南閣漏聲春已長
昆池雨色送淒涼
上林却憶

歌汾地半捲珠簾
攜御香

昔日扈從上苑每奉御爐

依稀聲色夢鈞時
誰識近臣空獨悲
一自栢梁

陪宴後吟來淚落
七言詩

舊侍公宴賦詩

聖恩誰似進賢冠
白虎觀中春色寒
萬卷圖書

何處在蕭條
唯作夢中看

舊掌御寶御書

雨集牛門得生字

陶家風雨舉杯清
絃管繞筵罷又生
勿怪座中淒切甚
忽看白雪自琴聲

懷徂徠

無那天河一別愁
微茫日夜水東流
支機縱有
若珠色秋興何如
白雪樓

遊山上精舍

山上飛泉拂牖飛
深林絕壁自依依
人間莫道
諸天遠長駐
白雲閑翠微

寄滕鼓海

綠樹薰風敞午天
據梧欄外白雲邊
相逢儻問

山中意彈出牀頭流水絃

仲夏車駕田葛川
余衛馳場譙門同諸

子賦得城字

譙門高倚鳳凰城
大嶽浮雲萬里生
聞得吾
君游豫日瑄瑄
白馬玉珂聲

雪中登樓

笑抱金尊共上樓
雪光忽看照杯浮
賦成皆是
梁園後誰問
山陰月夜舟

仲夏集忘憂館

積翠喚人方可憐
君家詩賦聚才賢
豈思今日名山響
容我牀頭理玉絃

遊泰嶽山

花飛蕭寺子規催
苔徑草房幽樹開
爲使吾儕能作賦
高山流水杳然來

飲滕不識風月樓

風月樓頭風月高
攜將春酒醉仙桃
座中歌曲

奏玄鶴海內文章見彩毫

與徂徠德夫子
帥蔚宗燕飲東壁商
山居得山字

握中明月掛商山
急管繁絃丘壑間
不是窮交相和者
誰看坐裏白雲還

徂徠及諸子飲草堂分韻林字

開樽翕集日如林
半醉當筵泉石深
共說接羅堪倒着
襄陽耆舊有同心

冬至宿城樓夜來寒甚以衛戍故不能縱
酒因賦

夜月如水映露盤層城粉壁擁光寒此時偏恨
無醒醉誰作元王設醴歡

宮詞

芙蓉水殿帶風開映見瓊簪舉玉杯日落簾鉤
燈色冷遙翳紈扇入璇臺

秋日遊九華山分韻雲字

莫道山中清興少秋高九華弄歸雲坐來忽覺
非人世絃外更爲流水聞

秋雨

幽居日日愛絃歌苔徑垂楊臨桂河秋雨時聞
頻打牖自從葛嶺碧嵯峨

青蘿館燕集

人自風流稱弟兄金樽頌盡且吹笙坐看秋色
照楓樹明月拂雲天日生

寄大潮二首

回頭西海白雲飛
遙憶君今解纜歸
歸去高歌為別調
諸天忽降雪霏霏
却思隱几共相從
夜夜鷄鳴談未終
坐右有君詩賦在
吟來獨對葛城峯

青蘿館中看芍藥得雲字

欄中華相粲如雲
拂露娥眉自郁紛
初解春風傾國色
西施一笑更無君

懷豫州故人

十載且高才子名
文星遙掛豫章城
賦成豈必關狗監
原自風流滿帝京

送某按察泉州二首

江漢春風花欲飛
驂驪五馬照斜輝
知君卧閣弄山水
勿怪停雲映玉徽
花裏新開一酒卮
高山流水好相隨
秋來須愛鳴琴興
彈罷瑤臺月照眉

詠白牡丹

揚家春色一枝寒
明月移來白玉盤
一自春風解顏後
沈香亭北映欄干

護園先生與余互換琵琶
余時歸河內

匣裏琵琶堪共嘆
江城寧忍別離難
那忘君贈高山意
明月把來樓上看

不佞春來有疾
文事久廢
梅門過訪
因作捲簾柳色日紛紛
堂上操絃此會君
不是從來

師曠奏何能
葛嶺起春雲

和梅門見寄

從他人醉習家池
花落新林映水湄
君是應言看竹客
杯中欲酌碧琉璃

寄贈大潮三首

吾曹離合嘆天涯
一望中原君可知
寄贈彩毫還似夢
才名惟愧異當時

酬毛穎

寂寞堪憐龍井茶
喫來獨坐弄鳴蛙
柴門縱使

投車轄豈敢謾容酌露芽

酌龍井茶

青青五柳當牕閣散髮蘭臺會幾回相賞茶壺

茶熟夕思君詩賦此相催

酌茶壺

冬日源伯祐過訪分韻

可憐白雪此翩翩落日留君弄五絃請看淮南

叢桂色爲誰裁作小山篇

暮春秦叡之後院與徂徠南郭春臺漸陸

蔚宗飲池上得遊字

醉時歌曲共相酬何妨高陽酒伴遊弄罷池頭
花欲暮怪來雪片忽飄樓

和琴鶴作

偏愛清樽似孔融幾回知是醉春風相逢座上
如雲客君更休言白首翁

送水侯之浪華城二首

千旄千里白雲生回首城西征色晴到日却望
滄海上秋風吹落浪華城

欲別勸君鸚鵡杯
燕山雲氣望中閑
休疑爲解佩
刀色能使江南月色來

中秋登城樓二首

醉登高閣倚欄干
歸思江南霜露寒
雲盡天高秋色遠
揚帆一片月漫漫
風滿紅楓月滿樓
江山事事使人愁
昔時天上聞吹笛
今日惟逢搖落秋

答滕輔之送余之雍州作二首

病後離筵強自寬
青尊却是思無端
共言夾路揚花色
不似飛來白雪寒
我喜陽春和者多
李膺舟裏揚輕波
一時相值龍門客
早晚風流擊筑歌

秋登洛陽城樓得雲字

登樓賦就見歸雲
山色雨過秋色分
唯使各天吾黨在
風流依舊鄴中群

秋日飲二首

霜落丹楓山色寒
葡萄摘得水精盤
故人消渴
渾春酒何羨金莖掌上
看

酒伴援琴明月牀
桂華八月浸尊香
由來狂客
君休怪醉卧高歌是
故鄉

示能孝之河內

江口風寒楓葉飛
天河不遠客舟歸
却思縹緲
白雲裏何日攜來織
女機

春日和张能孝寄江貞雄與廣秦詩

翩翩才子酒家春
春色翻飛郢雪新
請看小山
桂叢長桂叢還對
掌中人

寄松本

曾聞意氣在千秋
不妨濁醪屬倦游
回首中原
酒徒少與誰傾盡
黃鸝留

秋前登洛陽城樓分韻秋字三首

雄風從赤縣蟬聲
如待秋明日帛書
動鴻鴈萬
里愁

大道直如砥河山盡入樓已思鱸魚膾遠客舊時秋

游俠鳴鞭客如雲映畫樓共言弄春色誰更獨悲秋

長安九日憶東方諸子

長安一酌黃花杯今雨今朝獨上臺借問故人誰落帽悠悠歸思日堪哀

送人之北國

霜寒裘馬入關山為贈匣中明月環忽怪斗邊高紫氣龍泉原自在人間

夜渡湘水得歌字

夜渡湘江水采蓮處處歌聞時歸思切楚怨為誰多

題盆石蟠松二首

古松秦後聲風雨至今驚曾見白雲色時時巖上生

松自如龍睡山更比崑崙人若問仙境云是掌
中盆

燈下獨酌四更雨急因作

李白百杯吾豈驚當時自稱酒中名燈花今夜
四更落醉氣牽眠入雨聲

春夜宴飲得尊字

月映梅花花映尊尊前芳草見王孫何妨桃李
園中宴還教李生醉我門

偶成

寄傲南牕下矯頭對月明生涯唯所樂金尊與
銀筓

少年行二首

玉轡金鞍白馬肥垂楊傍道送斜輝章臺競色
如花女傳盞共歌金縷衣

十萬奇兵白羽垂破胡曾是從王師唯今空佩
吳鉤色攘臂美言輕薄兒

春日與友人登樓

醉上高樓對夕陽
翠簾風捲李花香
爲緣酒伴能相值
日日春光引入狂

元夕詞

雨歇春風拂玉欄
清涼前殿五雲寒
太平歌曲發元夕
上幸紫宸從百官

題誠心院梅花

黃鳥相思游子情
誠心院裏送春晴
京東五百

八十寺正是梅花第一名

壬寅三月四日游洛南桃林五首

桃林春日午花落
半成茵不妨却相憶
武陵昔日人

徐步登古城
古城異往昔
誰知古城蹤
鳥聲自寂寞

河水上游遠
翠巒迴洛西
唯看雲霧色
萬里作高低

麥秀雨未乾縹緲青琅玕無往不花柳路傍風
不寒

箕踞平蕪上飛花撲酒香狂生人莫笑醉卧是
春光

日入壬寅初夏居靜獨坐庭樹積翠已有盛夏
時林色余在洛之城一歲餘今年復遇此景日

月之疾不堪嘆息

柳枝鞞鞞綠無塵今日還思昨日春笑他露冕

二毛色不許年年已在人

東海道中白湏賀眺望

孤峯西望白雲盡參遠弓迴海色開千里灘頭
堪極目驚濤一片蹴天來

壬寅春泛舟落合下大井河二首

一棹白雲山下舟南流忽合北流流不知一瞬
下三峽兩岸猿聲總客愁

青山相對激流迴三月桃花片片來憶得江陵

人一去輕舟萬里一銜杯

侯家宴集代人作

忽絕馮生長缺聲君家自有五侯鯖留連座客
四更月此去何門可奮纓

與友大飲得花字

同心總是高陽侶美酒若澠顏若花忽盡牀頭
千日醉何須還問中山家

武九江歸西臺八月念後發予時病卧強

作為別

知爾將乘八月槎天河遙望嘆天涯秋風曾灑
故鄉淚况復病來頻憶家

統病三旬雨多客少援翰寫心

銀甕長攜桂未殘秋風拂簟素紈寒杜門伏枕
喜多雨舊雨何須杜氏看

秋夜戲作三首

月來入我觴我觴亦來月相對金谷酒無句誰

可罰

月來入我觴無月何盡斗君是醉鄉侯爲我能
勸酒

月來入我觴猶是黃墟下一任世上名懶惰傲
叔夜

初冬氣色佳甚攜諸子游予別業分韻得
玕字

豈讓王猷綠竹看吾廬自是青琅玕無端弄軫

幽篁裏牀上五絃隨意彈

秋日諸子集

諸君詩賦白雲秋載酒高歌庾亮樓忽見座中
多麗句更憐今日有應劉

西臺偶成

名山依舊白雲歸吮筆胡牀自耐依縱有門前
車馬客同心誰結薜蘿衣

承朝命發軔時有贈酒者

昨日清尊今日開
百年別恨一時催
世間儻問
青山意只道
鷓鴣冠辭草萊

登銀閣二首

山東高閣擁三巴
玳瑁梁頭接彩霞
昔日將軍
歌舞地只今
唯見舊時花

極目西山日已斜
樹間纔出兩三家
昏鴉浴鷺
去何往繞閣
川流上漢查

泛舟不忍池得十四寒韻二首

湖上清風吹素紉
芙蓉帶雨縈船寒
不知岸幘
落浮水酒伴將
傳避暑歡
斜輝簾外若燃丹
半入烟波半入欄
公子采蓮
歌未闕木蘭舟
裏綺羅寒

癸卯元日作

卧聽門前公子車
對樽箕踞夕陽斜
太玄一卷
在牀上寂寂由來
揚子家

春日會友人懷友人二首

花飛落日撲花筵相見舉杯相共憐君豈可無
張翰意如何未棹赤關船
絃管相依客若雲共言狂態不如君座中勿怪
無槌鼓今在漁陽不可聞

春日偶成三首

自言高卧病相如三徑蓬蒿人事疎更似生平
中散懶休疑未作絕交書
莫問花時卧病人由來沈醉不期春春風萬里

吹飛絮日作紛紛詩草塵
草房美酒鬱金香片片飛花白玉光一日醉醒
知幾度百杯十斗謫仙狂

夏日獨坐

夏木重陰連翠巒微風六月拂欄寒有人自是
山阿裏且試蕭條着鷓冠

送某使君之洛陽二首

東方才子正翩翩置酒揮毫送別筵借問郎中

誰上客一時裁作河梁篇

錦障糝成上國游蛾眉十萬滿朱樓銀箏歌出
平陽曲堤柳無心繫紫騮

予病比年乃輿試行過神谷舍主人酒肴
供給因開酒禁醉作

勿言病客請金莖久廢金尊飲似鯨應爲主人
能勸酒玉山今日復將頌

癸卯仲秋無月與二三子分韻林字時隣

家揚歌因戲作

平陽舞伎幾成林雲雨巫山玉樹陰深坐嘖眉
應恨月揚歌未闋夜沈沈

送滕不識之官京五首

虎門攬轡對關山千里風雲不可攀到日高齋
秋色好何曾君更思刀環
帝京爽氣五雲高擁席名山照彩毫君自鳴琴
在堂上何須製肘行徒勞

猗蘭集卷之三
二
憶君日把夜光杯為政當時美錦裁勿說風流
非昔日偏傳三輔趙張才
建章承露散秋光月下銜杯望武昌不斷齋前
台嶺樹還愁天際楚雲長
寶劍慙慙持贈君龍泉色動自氤氳若非海內
同心侶匣裏誰看北斗文

甲辰元日作予時館驪山下二首

寂寞偏憐白鷺林山齋一醉似抽簪春風初解

廣陵調依舊鳴彈中散琴

日日卧游如故鄉自憐春酒鬱金香不然何更
叩壺盡歌出尊前伏櫪章

酌長谷川老畫師見贈予時館驪山下二

首

玉樽美酒照茅廬沈醉從他世上疎不是故人
能寄贈悲懷何慰病相如

春來一醉似高陽倒着接羅不妨狂豈謂山中

無酒伴能令白墮在吾旁

寄君瑞

溪頭日暖柳花開人道陶家手自栽更是如河
春酒熟請君莫意抱琴來

寄徂徠

大嶽風雲一淼漫東方名勝衝天寒即今詩賦
有君在壁立芙蓉白雪看

送故人之京北二首

立馬相分渡月橋楊花三月亂飄飄春寒京北
幾千里忽望白雲心共遙

嵐山月落曉猿哀留飲緣君舉一杯分手明朝
知己少春風還復作悲哉

懷子和

灘上長風寂寞濱楚臺清宴披襟親還投白壁
似明月誰道今無按劍人

雪中謾興即事二首

雪掩蓬戶卧居深彈出一時流水音此曲人間
聞不得謾言大藪隱中吟
雪飛大嶽海東寒濁酒頻思十日驩此夕吾曹
堪取棹風流不妨子猷看

白鷺林山莊作二首

芊路青青驪黑原自知寂寞仲蔚園為憐栖影
重陰裏還復陸沈稱杜門

山東山北雉朝飛青陸黃疇大麥肥借問歸田

誰得賦病來未着遂初衣

夏日白鷺林山莊分韻山字閣中畫鶴

攜將春酒對驪山長夏遙林翠色閑今日何人
乘鶴去畫屏飛閣白雲間

堂成

堂成忽起大王風積翠西山映座中千載但知
堪醉卧披襟寧使庶人同

送中井子歸京

羨爾長安處處游
綺筵絃管帝王州
即知到日秋風起
不異登臨庾亮樓

仙石亭眺望

辛卯四月作

灘頭東望征帆飛
壁立青山競翠微
出岫白雲來在掌
忽疑身著薜蘿衣

東海道中金川眺望

雲盡風收海色開
片帆遠影摩天來
一望忽濺故園涕
千里灘頭落日哀

泛舟三义口分韻青字

李白百杯還未醒
此狂堪自傲天庭
叩舷甚愛士龍笑
鯨飲恰如流海青

仲秋無月席上賦

誰家玉笛發城西
雲雨冥冥望欲迷
坐上清尊偏思月
非關終宴聽隣鷄

八月十八日別業席上

援琴相見白雲生
何必關論世上情
醉卧百年

寧不足坐聞伐木暮丁丁

秋日游別業正勝有饋美甚因酬

美味何妨五鼎羹即看戀戀故人情
秋風豈思鱸魚膾席上一壺堪更傾

遙題養拙大夫園亭二首

海門西望水漫漫萬里風雲落日寒
遙憶亭頭誰與見醉醒不淺月中看
羨君坐裏觀濤游三百灘頭日月流
聞道仙人

能駕鶴不知何處問豐州

卓上人始至席上賦

坐聞瀑布落江城因憶香爐千仞聲
我醉不醒君且至遠公今日笑狂生

秋日與君瑞子遷飲時君瑞新嗣家世

高齋秋冷據梧親濁酒香尊尚未貧
君自青雲高志氣誰爲握手醉醒人

醉裏歌

猗蘭臺集卷之三
三十一
日落西山雲若梁暮還飛鳥望微茫銜杯坐對
江東客醉裏年年白髮長

少年行

新聲歌曲弄章臺紅粉相迎琥珀杯銀燭綺筵
明若晝不知白馬引吾來

十月七日

賜宴觀山里菊花

乙巳歲

籬菊如雲映翠巒御園秋色入杯寒沐
日高歌起沈醉從他不正冠
恩落

答卓上人見惠

東林迥望白雲間落日城頭飛鳥還若許淵明
醜濁酒秋風涼冷訪廬山

池上醉題

共抱玉杯明月浮接羅風色桂華秋醉來一任
乘驢去不醉何為池上游

九日退朝口號

隱几浮雲夕日愁清河迴郭自東流秋風因起

鱸魚興歸思頻催萬里舟

秋日即事

關山西望白雲歸南浦征帆初月微莫道故園
千里遠何時共着薜蘿衣

恩賜甜瓜因賦

東陵七月美瓜寒擎到涼風生玉盤忽爾沐
恩避炎熱似攀太嶽雪中看

元日客至有興

牀頭對酌紫霞杯北海漫漫醉色開即是君王
仙掌露湛恩日夜建章來

折梅上岡崎侯侯有詩見示次韻奉謝

暗香侵雪數枝新只勸窓前酒入唇那識歲寒
清瘦色忽逢一曲放陽春

堂成

揚歌風色入春衣堂上落梅如雪飛朝罷坐來
醜濁酒琴書也自共依依

六月五日別業作

牀頭風色自青巒薄暮山房六月寒醉弄五絃
堪矯首一時誰作白雲看

舟中即興

兩岸走松青黨天風聲百里不停船却疑身作
羽衣客心與流雲共綿連

九月九日百花樓燕集

同袍相語共相親濁酒青尊且不貧落帽秋風

君勿笑樓中總是未醒人

夏日偶成

夏木綠陰長昏鴉向夕陽偶彈清瑟坐無客至
吾傍

關山白雲深白雲萬里心天涯眺望盡乾坤少
知音

漉酒好舉杯誰能來盡石晚涼入畫牀池水接
太液

春日戲作

金門冠蓋連曄曄
白玉佩言是漢相
如不似蕭曹輩

醉戲作

酒徒三五子
日醉習家池
莫使科頭笑
欲投白接羅

春游得無字

城西酒伴笑吹竽
花發醉醒何日無
坐怪接羅

狂態去應緣春色
引吾徒

春興

花飛綺羅席
片片入杯香
白髮與青黛
總爲春色糝

人生七十年
須醉百花前
只是金尊酒
尊尊斗十千

題鳴山飛流

鳴山境似香爐峯

鳴山日夜白雲愁
月出巖頭與客遊
即是香爐

峯上色遙從天上接飛流

七十

入主十羊臥輔百林前只是金尊飲再舉

空城二

蘇蘇餘最都六六八林香白變與青

春興

猗蘭臺集卷之三

